

محراب

ادبیاتی ، اجتماعی ، فلسفی ، تاریخی ، ادبی مجموعه

شیمدیک آید بر نشر اولنور

مضامین

- تربیه مصاحبه لری . کلید : آینه ها بوسف ضیا ۴۸۵
- « یونس اسره » و « عاشق یونسک غیر مطبوع اشعار » جمیل رافت ۴۹۵
- تصوفک استناد ابتدکی ایکی اساس حقیقه بر ایضاح رشید ۵۰۰
- بوگونکی تورکمنلر و تورکمن یوردی نورکستانی رافت ۵۱۱
- آمونوقال ایدی نه « آفریقا سرگذشتلرندن » جامی ۵۱۷
- و آنادولوتاریخده دینی روحیات مشاهد لری « و بوراق بابا ، کیکی بابا » علمی ضیا ۵۲۷
- کتبخانه لرده اصلاحات مناسبتله همدون ۵۳۷
- تاریخ مدنیتده کتبخانه لر ۱ طاهر صبری ۵۵۰
- « شیخ سروردی » و « حادثه قلی » بوسف ضیا ۵۶۷

حیات و حقیقت : ملیحه نوری — بهار و شفا : سنجه جمال اورده نوس — قطعه : شیا
رفاعی — غروب و قی : صبریه صالح — اسکی شرق کیم لری ، شرف کاظم — صوک بهار :
نزامت صبری — بنم بایرام : نجات رشدی ۵۵۷

یکی آیه بر نظر : الیهات فاکولتسی ، آنادولی مجموعه سی ، آذربایجان استقلال .

شهرزاده باشی : اوقاف مطبعه سی

کتابخانه لرده اصلاحات مناسبتیه

مانی اوقاف و شرعی و کالنه عائد مؤسساتدن بر قسمی معارف و کالنه دور ایدلمشدی. بونلر میاننده معلوم اولدینی اوزره کتبخانه لرده بولونیور. غزته ستونلرنده کوریلن اصلاحات حوادلری مناسبتیه بوبابده قیصه اولقله برابر شعورلی بر تجربه دن تحصیل ایدن قاعلری قید ایتک آرزو سنده میم :

مدینتک، حیاتک حتی استقلالک بیلک الاساسی شه سز معارفدر. کتبخانه لر ایسه بر ملتک عرفان حیاتنده کی ترقی و تکاملک ذی حیات بر نمونه سی مثابه سنده در. خصوصیه ملی مفکوره بی نشر و تعمیمده کتبخانه لرک ایفاسیلک مکلف اولدقلری روللرک بویو کدر. بوکا بناء کتبخانه لرده عصری اصلاحات مسئله سی موضوع بحث اولورکن هر شیدن اول کتبخانه لری اساسلی، مستقر بر علم اوجاغنه ربط ایتک جهتی تأمین ایدله لیدر. کتبخانه لرک اوزون، فقط عینی زمانده مملکتک حیات عرفانی نامنه حجاب آورا اولان وضعیت تاریخیه سی هر شیئه ترجیحاً بوجهتی دوشونمیه سائق اولمیدر.

اوقاف اداره سی زماننده کتبخانه لر آز چوق بر امک صرف ایدلدیکی دورده بیلک مطلوب اولان تکملات میدانه کتیریه مدی. خیری بک مرحومک زمان اداره سنده تأسیس ایدیلن « مؤسسات علمیه مدیریتی » کتبخانه لری اصلاح ایتیه غایه امل ایدینمشدی بونکله برابر شایان تأسقدر که حصولی تمی ایدیلن اصلاحات هیچ بر صورتله میدانه کتیریه مدی. محیطمن روحیاتک اعماقه کوک سالان اداره مصلحت، حواله جیلک ذهنیتی، خصوصیه اداری قانونلر مزک نقصانلی دولایسیله، اک کچوک نقطه لرک بیلک مرکز دن استفساری لزومی کی اداری واجتماعی خسته لقلریمز اک حر دماغلرک، اک فعال. کنجلرک بیلک اراده سی عاقل؛ مساعیسی غیر منظم قلیوردی.

- ایشته ماضی نک بوألیم تجربه لرینه استناداً دییه بیلیرم که کتبخانه لری - زيرده قید ایتدیکم وجهله - ابتدا تصنیف ایتله لیدر. عمومی و علمی کتبخانه لری نه معارف مدیریته ونده لیشه لر کی دوغریدن دوغرییه وکالته ربط ایتک دوغرو دکلدرا بوقسم کتبخانه لر بر اداره مسئله سی اولمقدن چوق اوزا قدر. عصری ترقیات اونیده بر علم، اختصاص مسئله سی شکلنه صوقشدر. بو کتبخانه لری عمومیه کشاده ایتکله برابر دارالفنون اماتی اداره سنه، ترک و تودیع ایتک اک دوغرو بریول اولاجقدر. بواصول، کتبخانه لر مزده

مسعود بر آتی ، فیاض بر استقبال دوره سنک کشادینه مبدأ تشکیل ایده جک وعین
ژمانده دارالفنونک علمی واداری استقلالی ایله کتبخانه لرك مستقبل انكشافی ده تأمین
خادم اوله جقدر .

سابق شرعیه وکیل ، مرجع عاڈی ومأمور مسئولك ییله رأینی استمزاجه لزوم
کورمه دن سلیمانیه کتبخانه سنک بر قسمی - سلطان سلیم ده مدرسه سلیمانیه نقل ایتدیرمشدی .
یونقل کیفیتی بالطبع هیچ لزوم و ضرورته مستند دکادی . علمی کتبخانه لرك دارالفنون کی
یوکسک بر علم مؤسسه سنه ربط ایدیلیرسه بویله کیفی حرکتلردن ؛ شخصی اجرا آتدن ده
مصون قالا جقدر . علمی کتبخانه لرك انكشاف وتکملاتی موجب اولاجق بر مرجعی قید
وتثیت ایدلر کدن صوکره اصلاحات جهتی تدقیق ایدلم :

بوخصوصده ایلک اول شو ایکی جهت نظر دفته چارپیور :

۱ - کتبخانه لری توحید وتصفیة ، دولا یسیله اداری جهتی :

۲ - ثانیاً کتبخانه مأمورلری ، حافظ کتبلر مسئله سی .

کتبخانه لرك توحیدی مسئله سی .

یوزلرجه سنه اولکی شرائط حیاتیة وعلمی تلقیلر ایله بو کونکی احتیاج شبه سز عین
نسبت داخلده دکادر . بو کونکی احتیاجی ، وضعیت عمومیه یی نظر دفته آلا جق
اولورسه ق ملل متمدن ده اولدینی کی بزده ده عمومی کتبخانه لرك شو ایکی اساس اوزرینه
تأسیس ایدلمه لیدر :

عمومی علمی کتبخانه لرك ؛ عمومی ملی خلق کتبخانه لری . اولاً بالعموم کتبخانه لرك
تصنیف وتصفیة ایدلمه لیدر . اساسی برنجی درجه کی علمی اثرلر طوبیلانه رق بره عمومی
کتبخانه ، تشکیل ایدلمه لی . کرک صفت ، کرکسه تاریخ وعلم اعتباریله قیمتدار اولانلر
هپ بورایه جمع ایدلمه لیدر . اثرلر ، کتبخانه نك داخلی تقسیماتی اعتباریله ادبیات ، تاریخ
وجغرافیا ، تفسیر وحديث کی شعبه لره انقسام ایتمه لی . بو علمی کتبخانه ، همه حال
یرده « توریات » شعبه سنی احتوا ایتمه لیدر .

بونکله برابر شهر امینی ، فاتح ، بایزید ، سلطان احمد ، اسکدار کی تورک ومسلمان
اکثریتی بولان محالرده ایککنجی درجه ده کی اثرلردن ده « عمومی ملی خلق کتبخانه لری »
تأسیس ایتمه لیدر . بو ایککنجی درجه ده کی خلق کتبخانه لرنده علمی اثرلردن ده زیادہ
مخلقه حیات ماضی سنی ، عنعنات ملی سنی طایفه جق ؛ ملی مفکوره نك تأسس وانكشافه ،

یاردم ایدیه‌جک ملی و تاریخی اثرلره خلقی حیات و اقتصادیات ساحه‌لرنده تشویق ایدیه‌جک خلق لساننده یازیلان زراعت ، صنایع ، اقتصادیات عاڈ حیاتی اثرلر بولوندرمه‌لیدر . بو ایکنجی قسم کتبخانه‌لرده غایه : خلق کتله‌سنگ افکارینی تنویر ، اولنرده ملی سجه و روحی یوکسکلیتمه‌یه خادم اولاجغندن خلقی ملی بئلکنه صاحب قیلمق ؛ زراعت ، صنایع ، اقتصادیات کبی حیاتی ساحه‌لرده خلقی تنویر و اوکا رهبرک ایتمکدر . بوقسم کتبخانه‌لر ده‌ها مهم اولدینی جهته دوغریدن دوغریه معارف وکالتنه مربوط بر مجلس اداره طرفدن اداره ایدیه‌لیدر .

متعدن ملتلرده بوکی خلق کتبخانه‌لری هیچ‌ده اهل ایدیه‌لر . حرب عمومی زماننده آلمانیا مملکتیزک هر طرفده بوکی قرائتخانه شکلنده کتبخانه‌لر تأسیس ایتشدی . مقصدلری ایسه : تورک خلق کتله‌لری آراسنده ملی مفکورملرینی ده‌ها قولایقله نشر و تعمیم ایتک ده‌ها تورکجه‌سی بونلری بر پروباغاندا آلتی اوله‌رق قولایمقدی . بزده بوقسم خلق کتبخانه‌لری تأسیس ایتک مجبوریتنده بز چونکه آنجق بوسایه‌ده خلقدنه تحصیل عالی کورمه‌مش اولانلرده کتبخانه‌لرده مطالعه و اوقومق ذوقی اوایندیرا بیلیرز .

بوکی کتبخانه‌لری تأسیس ایچون کلیتلی مبالغه‌ده لزوم یوقدر اولاماده قانونیه ایله نشر و تألیف ایدیه‌جک اثرلردن سکیز اون نسخه‌سنگ ملی کتبخانه‌لره ترک و تودیجی مجبور طوتیلمالی . ثانیاً کتبخانه‌لر هیئت اداره‌سی قفقاسیه ، قریم ، شال تورک مملکتلری مصر ، ایران کبی تورک و اسلام یوردلرنده محرر و مطبعه‌جیلرله تماس و مخبره تأسیس ایدیه‌رک هر یکی نشر ایدیلن اثرلردن اوج بش نسخه آلدیرمق ممکندر . بوصورتله جزئی بر زمان ظرفده کتبخانه‌لری زنکین لیمک ممکن اولور .

کتبخانه مأمورلری : حافظ کتبلره کنجه :

حال حاضرده کی اوقاف کتبخانه‌لری حافظ کتبلری آراسنده اسمی بيله یازمايه غیرمقتدر عجزه واردر . اوقاف کتبخانه‌لرینگ بر چوق قیمتدار کتابلرینی گیوه‌لر یمیش ، باقمیزلق یوزندن محو و خرابی‌یه یوز طوتمشدر . وظیفه حسندن محروم بوکی عجزه ایله شبه‌سزکه آرزو و تمنی ایدیلن اصلاحات میدان کتیریه‌لر . بر پروغرام نه قدر منتظم اولورسه اولسون اونی تطبیق ایدیه‌جق آلرده‌ده قابلیت ایستر . بونکچوندکه کتبخانه‌لرله برابر حافظ کتبلرنده تصفیه‌یه تابع طوتمق ضروری اولاجقدر . حافظ کتبلرده اقتدار علمی ایله ، فضیلت اخلاقیه‌نی شرط اساس اوله‌رق تثبیت ایتیه‌لیدر .

شایان آرزو و تمنی در که شمدنصره حافظ کتبک وظیفه لری حیات و معیشت لری تأمین
ایدلک شرطیله دارالقون مأذون ویا مداوملری کبی منتسین علم و عرفان اللرینه تودیع
ایدلسین .

بو تقدیرده امید و تمنی ایدیلیر که کتبخانه لرمن جزئی بر زمان ظرفنده مدنی مملکت لرده
اولدینی کبی بویوک بر انکشافه مظهر اوله رق خلقک علم و عرفان حیاته خادم یوکسک
علم مؤسسسه سی حاله انقلاب ایدم جکدر .
سلیمانیه اوقاف کتبخانه عمومی قانانوف
شعبه سی حافظ کتبی

ع . قورار

تاریخ مدنیتده کتبخانه لر

یکن نسخه دن مابعد

ماورای نهرده (ابن سینا) نک منبع تدقیق و تبیی اولقله معروف جهان (نوح بن منصور)
کتبخانه سیله تاریخده قنون و صنایع نفیسه حامیلرینک اک منورالافکاری شاعر ، حسین
بایقرانک وزیر (نظام الدین میرعلی شیرنوائی) نک کتبخانه سیده او عصرک مخازن علمندن
معدود ایدی . معرفت و فضیلتله مشارالبنان اولان علامه بلخی (میرخوند) (روضه الصفا) بی
تألیف ایدم جکم زمان بتون مأخذلری نوائینک کتبخانه سندن الدم دیور . مولانا (جامی) ده
نفحات الانس ینه مشارالیهک غیرت و تشویقاتیله تألیف ایتمشدر (هلاکو) (نصرالدین
طوسی) ایچون مراغه ده بر کتبخانه تأسیس ایتمشدر . اسلام عالمک اودور لرنده خصوصی
کتبخانه لر ایسه ایروجه شایان تذکیردر بر چوق اعظم و مشاهرک ذاتی و خصوصی کتبخانه لری
واردی . (صاحب بن عباد آفرایم بن الزمان ، موفق الدین کبی ذاتلرک بیکرله جلدی
حاوی کتبخانه لری واردی .

علمک وقتک نشرینی دینا شعار و کندیلرینی وظیفه دار تلقی ایدن اسلام عالملری کیلو
مترولرله مراحل و مسافه لر قطع ایدم رک تعلم و تدریسده بولنور لریدی . اوائل اسلامده
ودها صکره لری اسلام عالملری دیار اسلامک مختلف گوشه لرنده علم کرسیلری تأسیس
ایتمشدر او حیرت آسا مدنیت اسلامی بی بوضورتله میدانم کثیرمکه موفق اولمشلردر مثلاً
(طوس) ده ترکستانلی قارابی ، امام غزالی بغدادده ، تونسلی ابن خلدون مصرده ،